



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 01-05-23146-27/19 SS
Sarajevo, 22.07.2019. godine

KANTON SARAJEVO
SKUPŠTINA KANTONA SARAJEVO
- ovdje-

N/r Predsjedavajućeg Skupštine

Predmet: Odgovor na Zastupničku inicijativu

Zastupnica Neira Dizdarević na Devetoj radnoj sjednici Skupštine Kantona Sarajevo, održanoj dana 19.06.2019. godine, u okviru tačke Dnevnog reda: "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo pokrenula je zastupničku inicijativu:

Inicijativa:

"Na osnovu članova 106. i 213. Poslovníka Skupštine Kantona Sarajevo ("Službene novine Kantona Sarajevo - Drugi novi prečišćeni tekst", broj: 41/12, 15/13, 47/13, 47/15, 48/16), upućujem zastupničku inicijativu Vladi KS i Ministarstvu saobraćaja KS da poduzmu potrebne aktivnosti kako bi se električnim automobilima omogućio besplatan parking na području Kantona Sarajevo.

OBRAZLOŽENJE:

U evropskim zemljama vlasnici električnih automobila uživaju brojne povlastice – besplatno punjenje baterije, zasebne brze trake, besplatan parking. U našem zakonodavstvu električni automobili nisu prepoznati i registruju se pod oznakom ekološke norme šest, koja je identična kao i sva druga dizel vozila. Stoga pokrećem inicijativu za ostvarivanje ove sitne povlastice za vlasnike električnih automobila u našem kantonu, dok zakonodavstvo konačno ne prepozna ovu kategoriju i ovu oblast ne uredi na bolji način.

Odgovor:

Prema zvaničnim podacima Ministarstva saobraćaja KS i Ministarstva unutrašnjih poslova KS, u protekloj 2018. godini na području Kantona Sarajevo ukupno je registrovano 135.000 motornih vozila, dok kroz Kanton Sarajevo dnevno prođe od 15.000 do 20.000 motornih vozila od kojih se većina zaustavi i parkira na lokacijama koje gravitiraju u samom centru gradu.



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



Prema nedavno objavljenim podacima, BiH je na začelju svjetske liste kada je u pitanju broj električnih vozila. Dok je širom svijeta registrovano više od tri miliona električnih automobila, u BiH ih je, prema podacima iz februara ove godine, svega 20. Tu je i infrastruktura od oko 20 električnih punionica.

Uz već postojeći problem nedostatka parking mjesta za vozila u centru grada, tražena povlastica besplatnog parkiranja za električna vozila dodatno otežava situaciju, te je neophodno prvenstveno povećati broj raspoloživih parking mjesta.

Sredstva koja se prikupe naplatom parkiranja na javnim parkinzima su namjenska sredstva i koriste se za otvaranje novih parkinga i izgradnju podzemnih garaža, te za unapređenje postojećih, tehnološko ulaganje u razvoj sistema naplate, kontrole naplate i obnavljanje saobraćajne signalizacije.



MINISTAR

Adnan Šteta



Dostaviti:

1. Naslovu
2. Stručna služba Vlade
3. Evidenciji
3. A/a



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

